

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

<< >> հոկտեմբերի 2010թ.

N -Ա

Ո Ր Ո Շ ՈՒ Մ

**ԳԱԲՐԻԵԼ ԶԵՄԲԵՐԶՅԱՆԻՆ <<ԵՐԵՎԱՆԻ ՊԱՏՎԱՎՈՐ
ՔԱՂԱՔԱՑԻ>> ԿՈՉՈՒՄ ՇՆՈՐՀԵԼՈՒ ՄԱՍԻՆ**

Հիմք ընդունելով Երևանի քաղաքապետի առաջարկությունը և
ղեկավարվելով <<Երևան քաղաքում տեղական ինքնակառավարման
մասին>> Հայաստանի Հանրապետության օրենքի 12-րդ հոդվածի 1-ին
մասի 35-րդ կետի դրույթներով՝

Երևան քաղաքի ավագանին որոշում է.

<<Փյունիկ>> բարեգործական հիմնադրամի պատվավոր
նախագահ, սիրիահայ գործարար, բարերար Գաբրիել Զեմբերջյանին
շնորհել <<Երևանի պատվավոր քաղաքացի>> կոչում:

ԵՐԵՎԱՆԻ ՔԱՂԱՔԱՊԵՏ

Գ. ԲԵԳԼԱՐՅԱՆ

Տ Ե Ղ Ե Կ Ա Ն Ք – Հ Ի Մ Ն Ա Վ Ո Ր Ո Ւ Մ

<< ԳԱԲՐԻԵԼ ԶԵՄԲԵՐՁՅԱՆԻՆ <<ԵՐԵՎԱՆԻ ՊԱՏՎԱՎՈՐ
ՔԱՂԱՔԱՑԻ>> ԿՈՉՈՒՄ ՇՆՈՐՀԵԼՈՒ ՄԱՍԻՆ>> ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ՎԵՐԱԲԵՐՅԱԼ

<<Փյունիկ>> բարեգործական հիմնադրամի պատվո նախագահ Գ.
Զեմբերջյանը ծնվել է Սիրիայի Արաբական Հանրապետության Հալեպ
քաղաքում, ավարտել է տեղի Կրթասիրաց վարժարանը, ապա տեղափոխվել
մշտական բնակության Դամասկոս:

<<Փյունիկ>> բարեգործական հիմնադրամն իր գործունեությունը
ծավալել է 1998թ. սիրիահայ գործարար, բարերար Գաբրիել Զեմբերջյանի
նախաձեռնությամբ: Հայաստանում հիմնադրամը պաշտոնական գրանցում է
ստացել 2008 թվականի դեկտեմբերին:

Իր գործունեության շուրջ 10 տարիների ընթացքում հիմնադրամը
Հայաստանում մեծածավալ ծրագրեր է իրականացրել: Գ. Զեմբերջյանի
բարեգործության շրջանակը ներառում է Հայաստանի և Սփյուռքի կրթության,
գիտության, մամուլի, եկեղեցաշինության և բազմաթիվ ազգագուտ ոլորտներ:

Գ. Զեմբերջյանի անմիջական նախաձեռնությամբ 2009-2010թթ.
ընթացքում հիմնադրամը Երևան քաղաքին նվիրել է 145
խաղահրապարակներ, որոնք կառուցվել են քաղաքի մանկապարտեզներում և
բակերում, ինչպես նաև օժանդակել է Երևանում տարբեր միջոցառումների և
ծրագրերի իրագործմանը:

Բարեգործը մեծ օգնություն է տրամադրել Դամասկոսում Հայաստանի
դեսպանատան հիմնադրմանը, մեծ ներդրում է ունեցել հայ-սիրիական
կապերի հաստատման ու ամրապնդման գործում:

Ելնելով վերոգրյալից՝ Երևան քաղաքի ավագանու քննարկմանն է
ներկայացվում սույն որոշման նախագիծը:

Տ Ե Ղ Ե Կ Ա Ն Ք

<< ԳԱԲՐԻԵԼ ԶԵՄԲԵՐՋՅԱՆԻՆ <<ԵՐԵՎԱՆԻ ՊԱՏՎԱՎՈՐ
ՔԱՂԱՔԱՑԻ>> ԿՈՉՈՒՄ ՇՆՈՐՀԵԼՈՒ ՄԱՍԻՆ>> ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԲԱՑԱԿԱՅՈՒԹՅԱՆ ՄԱՍԻՆ

Երևան քաղաքի ավագանու <<Գաբրիել Զեմբերջյանին <<Երևանի
պատվավոր քաղաքացի>> կոչում շնորհելու մասին>> որոշման նախագծի
ընդունման առնչությամբ այլ որոշումների ընդունման կամ այլ որոշումներում
լրացումներ և/կամ փոփոխություններ կատարելու անհրաժեշտություն չի
առաջանում:

Գ. ԲԵԳԼԱՐՅԱՆ